

NORSK ETNOLOGISK GRANSKING

Emnenr. 43.

Fylke: Hordaland.

Tilleggsspørsmål nr.

Herad: Lindås.

Emne: Ting til lækjedom og
vern mot sjukdom.

Bygdelag: Indre-Nordhordland.

Oppskr. av: Martin Toft.

Gard: Toft.

(adresse): Askelandsvåg.

G.nr. 18 Br.nr. 5.

A. Merk av om oppskrifta er etter eiga røynsle. Eiga røynsle.

B. Eller om den er etter andre heimelsmenn: (ta også med alder, heimstad, yrke):

SVAR

A. Ringar.

1. Har fått opplyst at ein husmann på grannegarden
A. ~~Ringar.~~
hadde ein "elektrisk" tambakring. Han skulle hjelpe
Ein veit i ~~Mannen~~ / at folk her har nytta ringar
mot sjukdom. ~~han~~ var fødd ikring 1840. Veit ikkje
meir om dette. seg noko ovtru til.

B. Armband.

Ein veit ikkje om at folk nytta armband som det
knyter seg noko ovtru til. I det heile trur ein
ikkje at folk her nytta armband.

C. Hengesmykke.

Trur ikkje at slike har vore nytta i våre bygder.

D. Belter.

10. I 1912 veit eg om ein mann som kjende seg sjuk,
han kalla det "nervesvakheit". Han fekk eit elek-
trisk belte frå Tyskland.

11. Det var kalla elektrisk belte, og det var lyst
ut i blada under dette namnet.

12. Beltet var samansett av sinkplater inn i tøy -
Han hadde beltet i edikk og bar det så på berre ~~kkkkkkkk~~.
kroppen rundt livet.

E. Øyreringar.

14. Ein skomakar her hadde øyreringar. Han døydde
ikring 1920 og var då over 80 år. Han hadde stede

læretida si i Bergen, og det var der han i unge år hadde fått øyreringane i-sette.

15. Ringane hans var av grann mettalltråd og held seg alltid blanke (nikkelfarga).

Ringane var festa gjennom eit hol i øyro.

16. Han hadde ringar i bære øyro.

17. Han sa sjølv det var ~~for~~ av omsyn til augo og synet han hadde fått dei i-sette.

18. Eg kan ikkje minnst at eg har sett andre her i bygda enn denne skomakaren som har bære øyreringar.

F. Ymse ting.

20. Eg veit om eldre folk som ^{for} på byturar eller ~~andre~~ reiser /alltid tok eit kamferstykke med seg i lumma. Det gjeld både menn og kvinner. Det var for å verja seg mot sjukdom - eg tykkjest minnst at det var helst krim-sjukdom det skule verja ein mot.

21. Eg veit at unge gjenter på bygdene i 1860 åra såg seg stor mun i å få noko lange sølvsnorar til å ha rundt halsen og derfrå fallande ned over bringa fest i beltet. Desse ~~hætt~~ snorene kala dei "angeste-snorar", men om dette namnet "ageste" kjem av at snorene var fletta av sølvtråd eller det har noko med ovtru å gjera, veit eg ikkje.

-----o O o-----